



## Prihvaćen prijedlog Tužilaštva KS



*Mujić tokom privođenja: Branio se šutnjom*

# Direktoru 'Agrokomerca' određen mjesec pritvora

Općinski sud u Sarajevu prihvatio je jučer prijedlog Tužilaštva KS i odredio jednomjesečni pritvor Erminu Mujiću, direktoru „Agrokomerca“.

Kako je za „Avaz“ kazala portparol Tužilaštva KS Azra Bavčić, pritvor je određen zbog opasnosti da bi osumnjičeni boravkom na slobodi mogao utjecati na svjedoke, prikriti ili uništiti dokaze te ponoviti krivično djelo.

Mujić je, kako smo prvi objavili, a na ročištu javno i potvrdio kantonalni tužilac, od privrednika Nermina Aleševića za zakup dodatne hale u „Agroko-

mercu“ tražio ukupno 45.000 KM mita. Uhapšen je sa 25.000 KM mita koje su označili pripadnici **SIPA-e**, koji su ga po nalogu Tužilaštva KS i uhapsili u Cazinu. Prije toga, zahtijevao je još 20.000 KM

Primopredaja je trebala biti obavljena u Sarajevu, ali je u posljednji tren Mujić tražio da mu se novac da u Cazinu. Alešević je Mujića i prijavio Tužilaštvu KS, a ne Tužilaštvu USK, zbog čega su opravdani nadležnost i postupanja sarajevskog tužilaštva. Mujić se tokom ispitivanja kod postupajućeg tužioca branio šutnjom. **M.Aš.**